

希代變異也、見于延喜天曆二代御記云云、

〔後深心院關白記〕文和五年元延文七月十一日己丑去夜亥時太白犯大微宮東蕃上相星所七寸

延文四年十一月廿三日壬子、今夜太白犯哭星云々、五ヶ大變一也、可慎々々、

〔康富記〕嘉吉四年元安四月廿七日丙午、今夜太白與填星相犯三尺所云々、而天文安倍有重卿、太

白填星、辰星相合、爲三星合之由申之、曆道在貞朝臣者、太白填星二星合之由申之云々、

〔新蘆面命〕元祿甲申元寶永三月八日、駿河臺江參ル、助左衛門殿御父子江懸御目、年來ノ御禮共

申上候、略去冬以來ノ地震ノ事、物語ニ及ビ被仰候ハ、金星房心ヲ守リ、又ハナレ、又房心ヲ犯シ

候ヨリ、イカサマ重キ御慎可有ト存候、火星ノ事ハ、守ニテモ犯ニテモ無之、タ、過候計リニ候間、

サシテ替ルコトハ有之マジキモノニ候ヘドモ、近年火星ノ房心ヲ過候ニ、火災等多ク候ヘバ、是

亦穩ナラザルコト、申上候、然レドモ火災等ノ敬トバカリ存候、カクノ如ク大地震可有トハ、カ

ツテ不得考候ト被仰候事、

〔和漢三才圖會〕辰星水曜、生於申、壯於子、死於辰登壇必究云、辰星宰相之祥也、常以二月春分見奎角、五月

夏至見東井、八月秋分見角亢、十一月冬至見牽牛、出以辰戌、入以丑未、二旬而入、晨候之東方、夕候之

西方、常隨太陽而行、然或前或後、不出三十度之外、亦一月一宮、一歲一周天、按所謂春分見奎角之

角字當作婁、又授時曆云、辰星前於日、後於日、不過二十三度、

〔晉書〕辰星曰、北方、水、智也、聽也、智虧聽失、逆冬令傷水氣、罰見辰星、辰星見則主刑、主廷尉、主

燕趙、又爲燕趙代、以比宰相之象、亦爲殺伐之氣、戰鬪之象、又曰軍於野、辰星爲偏將之象、無軍爲刑

事、和陰陽、應效不效、其時不和、出失、其時寒暑失、其節、邦當大飢、當出不出、是謂擊卒、兵大起、在於房

心間地動、亦曰辰星出入躁疾、常主夷狄、又曰蠻夷之星也、亦主刑法之得失、色黃而小、地大動、光明

與月相逮、其國大水、

辰星